

DE TYCHONE BRAHEO, MATHEMATICO NOBILISSIMO, ET DANORVM ATLANTE.



Vod cerebro inclusum Cœli cursum atque recursum,
Stellarumque vices, Cœlivagosque choros,
Circumferret ATLAS, est Cœlifer appellatus,
Rex ille Afrorum maximus ingenio.
Propter Atlanteum Pelagus dum Sidera lustrat,
Lapsaque sub terras, orta que signa notat.

Nunc præstantis idem Studium est TYCHONIS, Huæna
Celsa ubi Balthiacam suscipit VRANIAM.

Hic ille Instrumenta vias scrutantia Cœli
Struxit, adaptatis disposuitque locis.

Sic, ut vix alibi quicquam præstantius extet,
Regificumve magis, magnificumve magis.

Ergo Cœliferum quia TYCHO imitatur Atlantem,
DANORVM cur non ille habeatur ATLAS?

NATHAN CHYTRÆVS F.

AD NOBILISSIMUM VIRVM TYCHONEM BRAHE, ASTRONOMORVM HVIVS SÆCVLI PRINCIPEM.

O Animæ illustres, ò terque quaterque beatæ!
Est quibus Æthereas scandere cura domos!
Hinc tua laus PTOLEMÆE viget, fundamina prima,
Te structore ingens ars habet VRANIÆ.
Proxima debetur tibi magne COPERNICE, per te
Longè aliâ, ac priscis itur ad Astra viâ.
Tertia TYCHONIS propria est, sed maxima; cuius
Viuet Atlanteus semper in O: be labor.
Posteritas sis grata Viris, quibus inclytus Æther
Panditur, & quorum Sidera scandis ope.
Teque sub his Ducibus Cœli penetralibus infer,
Ingenio ut superes pennipotente Polos.
Quàm sapit ille etenim, quisquis super Æthere vectus,
Et Terram, & nihili terrea cuncta facit!

HENRICVS HOIERVS F.

DE